

西南稀見方志文獻

第二十六卷

中國西南文獻叢書



中國西南文獻叢書
第二十六卷



中國西南文獻叢書·第一輯

西南稀見方誌文獻

第二十六卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

東川府志	〔清〕方桂修 胡蔚纂	一
蒙自縣志	〔清〕李焜纂修	二〇五
黎縣舊志	纂修人不詳	三六七

【清】

胡方

蔚桂

纂修

東川府志

《東川府志二十卷》，清方桂修，胡蔚纂。桂，湖南巴陵人，官東川軍民府知府；蔚，湖南武陵人。本書據清乾隆二十六年（公元一七六一年）原刊、光緒三十四年（公元一九〇八年）東川師範學堂重印本影印，原書成品尺寸爲二十六厘米乘十七厘米，版框尺寸爲二十點五厘米乘十五點三厘米。

舊序

滇蜀黔隸土人之地皆無誌不獨東川也丁未年余承辦鎮雄撥輯故實為芒部紀畧未暇授梓而去茲任東川適丁兵燹荒歉之後庶務糾紛固不遑及哀集然蠻荒僻陋亦鮮所得考据也乙卯春與雒原繡林編集五年來所諮訪覈究者為二冊按例為

東川府志

序

一

篇畧而不遺聊供採摘耳夫東夷窟也政教風俗人物事實荒畧不備展卷之餘令人慨然有心東土者歷久而治舉治舉而教彰風氣移易而治行文物駸駸而上踵事增華後所紀載何難進於中州然吾聞之創始維難以東之無文獻可考也守土者於皇皇簿領而外一切治體禮器人文

學校不先為之提其綱領舉其廢墜

啓其權輿而垂之可繼則因陋就簡

是終於土人之東川而已後有作者

又奚從而考之故余樂為其畧以望

後之踵為其詳者是為片言以弁其

首云

雍正乙卯歲秋七月東川府知府同

官崔乃鏞伯璈氏謹序

東川府志

序

二

東川府志序

東川在漢屬益州犍為郡
入唐隸段氏蒙氏竊據之
明初置軍民府隸四川
南道

本朝始設流官雍正四年乃
改歸雲南其地居滇之東

北界連黔蜀羣山擁衛牛
欄金沙兩江屈曲環流洵
藩障之要區也郡產銅得
滇省所產之半而銅之轉
運京師者亦分任其半又
設局鼓鑄歲獲錢四十餘
萬繙民夷商賈四方輻輳

食貨浩穰屹然一都會是

皆不可以不志郡志向無

舊本雍正十一年崔太守

始草創之而未歲其事乾

隆二十五年臨安方大夫

以賢能調守是邦興革張

弛政事咸理慮東川文獻

久而無徵乃取崔太守原

稿踵而增之旁蒐博採勒

成一書自此邊徼之地風

俗人文不難與中土抗衡

矣東川自祿氏構亂民罹

其毒官兵致討踰時平寇

迄今三十餘年休養生息

絃誦者樂

王化畊鑿者忘

帝力蓋

聖主如天之德無遠弗届若是
大夫之為郡志當亦敬念
及此而察吏安民益勤厥
職庶大有造於東川而不

序

序

徒簡牘紀載之空言矣乎

乾隆二十六年署理雲貴

總督兵部侍郎兼都察

院右副都御史巡撫雲

南兼建昌畢節等處地

方贊理軍務兼督川貴

兵餉蒞澤劉藻題

序

東川府志序

滇蜀之間產富五金東
川為最土司祿氏世踞
其地至康熙中土酋自
相戕賊應罷之人殆盡
乃自請改土設流轄於
蜀省土目夷醜猶時竊

出滇界為雲雍正四年

制府高文良公請於

朝改隸滇省後乃法憂肆

逆烏蒙反震東川岌岌

乎殆時則制府鄂文端

公指揮將吏莫無遺策

免醜駭誅邊陲以靖余

時方作令於滇謬承文

端公相器許於其經綸

捷代集衆思而堅獨斷

常目覩而識之日月不

處典型尚存迄今已五

十載矣乾隆二十五年

恭荷

聖恩以蜀臬膺全滇旬宣之

任由蜀赴滇道經是郡

採聽風俗頓異疇昔民

氣之和樂田疇之蕃沃

商旅之輻輳道路之康

夷銅廠之旺盛或十倍

於前於是竊歎

序

國家之恩德翔洽天覆地
載民日遷善而不知其
所以然而
大憲之董率司牧所以
宣

上德而撫遠人真可謂各得
其所也已既逾年東川

太守方君以所轄郡志
相視詳為披覽知其不
事采藻而務精核詳備
以資考訂損益於將來
志疆域則列指阨險志
學校則勉勵人文厥課
銅運鼓鑄三事則自發

義例畢述沿起調劑之
故而於戡定祿酋臨難
效忠之將弁捐軀殉義
之士女畫榮猷地之智
士皆身為之傳詳言而
樂道之其有裨於政治
有益於風俗人心者矣

古聖賢徒善不足為政
徒法不能自行今志之
所述成法備矣坐而言
之起而行之則東川富
教之績方日進而上也
雲南布政使司布政使
長洲顧濟美撰



重脩東川府志序

東川自

聖祖朝在蜀設流官暨
世宗朝改隸滇省以來疆圻式

畫

典制懋增繼我

皇上乘乾御極丕顯丕承中

和位育紹

序

洪庥而昌景運故雖邊徼蠻

區沐浴

聖化先後垂六十餘年野安耕

鑿戶接綉歌生聚之雲

屯商賈之輻輳以及瓊

鐵銀鏤之產金錢刀幣

之用莫不紛然爛然允

宜載諸簡冊以為國乘

光惟是郡志一書成於

雍正乙卯為前太守崔

公草創時改隸未久一

切經營猶多未備是以

夫中六撮舉其大略蓋

未竟之書也乾隆庚辰

余由臨安調守茲土膺

邊疆重寄撫既庶人民

序

黽勉履職惟恐瘼官間

於政事之隙披舊志而

葺之芟繁複補闕遺列

為二十卷雖奔陋無文

而踵成前迹意弗敢渝

既使一方掌故明其頭

訖用脩文獻之考且以

見

序

聖天子仁壽昇平之福被於
 荒遠巍々乎有如斯之
 極盛者志成呈稿於
 署制府劉大中丞重蒙
 訓指判其紛糅拔其嘈囂
 鑑既乃授之梓夫而
 後可稱郡志之完書矣
 若曰鋪張美盛鼓吹休

三

明允望後乘之賢士夫
 夫據其實而潤色之則
 更余之幸也是為序
 乾隆二十六年歲次辛
 巳秋七月雲南東川軍
 民府知府楚南方桂謹
 撰



序

[Faint bleed-through text from the reverse side of the page, including characters like '序', '東川府志', and '楚南方桂']

東川府志書序

東川舊為蜀郡雍正四年以總制高文良公之請改隸滇服自是以來難頌鋤兇勸畊設戍牙錯壤接之州邑始有寧宇而積年負固之夷獠亦得重自洗濯躡足抗首去習奕昧闇以耀於光明先是郡守同官崔君乃鑄實著勞於茲

序

土手勒郡志已有端緒顧時值草創有待于增訂者尚多乾隆戊寅己卯之交予以今巡迤東兼攝茲郡按圖考典畢然漢思竊以為往者東川之在滇地如苗之有莠去其害稼如牧之亂羣去其害馬者而已今則版宇式廓商民雲集湯丹大礫三廠之銅鐵以數百萬輸納

天府陸運水通浮江沂淮駱驛踵接寶雲

錢局鼓鑄之鑪七十座有奇足以資昭通曲洴二鎮及列營之兵食滇黔楚蜀之民倚開採鍛冶轉運以給衣食者以數萬計寔滇省上游之望郡非昔之東川比矣茲蓋欣逢

國家威德昭宣景運昌洽嶽脩貢而川效

序

二

珍古所云地不愛寶人不愛情者乃今得親逢其盛亦由累年以來先後諸賢憲鉅公文經武緯勞畫精思以底於成績是皆不可不勒為成書俾後人有所遵守致鏡而益臻於治理顧值前改失宜日思所以調劑釐剔之者未暇及搜羅考訂文藝之事也適承

思命調理巽郵旋返省治臨安寧若若以

才望移守茲土更替之際輒以相屬方

君欣然引為已任逾年乃以郡志全書

相示因創具備鉅細畢該按部就班卷

之有條理而乃為之大愜於志也語曰

前事之不忘後事之師也又曰美成在

久東川自改隸以來甫三十餘載風氣

序

三

已駸日上則將來之繼序以皇之慶

績以終之是在賢守令勉之而已致疆

域則思益鞏於教寧採民風則思益臻

於庶富賦役既均則思永章程於不敕

文風既闢則思溥教澤於日新厥務錢

法站運三者尤裕國阜民之重務也益

勅益加之意焉則斯志也豈僅以徵故

實而備稽攷而已方君之功豈不偉歎

因竭其增訂之由并於簡端且以見予

之志而未逮者方君遂以暮月成之其

思專政敏為可尚也

乾隆二十六年辛巳小春既望雲南驛

監使者閩汀廖瑛撰書



序

四

跋

右東川府志二十卷 方友蘭先生守郡日因前崔太守舊志之闕略而續修者也臚列掌故蒐羅事實不漏不奉誠為有功前哲嘉惠後來矣蔚於先生為梓里遠羈跡滇中 先生以余曾修白鹽井志辱以編輯見委自愧筆墨榛楛無能為蘭苔增色且刻期以閱月脫稿誦諉既殷竭愚妄作有所

跋

不辭志成特紀編輯之由用識 先生虛懷之雅並以慶邊疆盛舉余忝樂觀厥成至於一方之沿革制度已具見於劉大中丞暨 先生弁言故不復更贊贊辭云
乾隆辛巳秋七月武陵胡蔚少霞氏謹跋

跋

注予未登賢書時嘗省 先中丞於黔之鎮遠府任遠當辦理九股苗蠻改土一事於是勃為思奮從事行間備歷險阻幸奏膚功後謁選筮任宰粵東英德縣雖魁厥職切蒙卓薦刺滇之昆陽復蒙 各憲保舉送部引見荷承

跋

二

特恩擢守臨安三載調邊東川疊受皇恩憲德媿無涓埃寸補自思前此佐戎隨任未暇拈毫暨入仕州縣到處誌乘畧備蒞臨之日遠值重脩郡志幸獲與觀茂美茲履東半載遍閱郡內情形地居三省要衝五金結聚物產頗繁且改土改滇歷有年所以故人民輻輳而殷蕃土膏勃發而墜

跋

關泉刀貨幣制度典章亦滇省
一大都會也乃考舊志所載十
不過一二始知三十年來日新
月異至於此極猗歟盛矣於是
博採旁摭取前志補削而彙成
之雖文采不足而故實昭備共
為二十志俾後之考文獻者披
帙瞭然亦可撫卷徬徨慨然興
嘆於蠻荒舊土之陋頓成京雒

三

名區之盛也則今日之懋建鉅
制式煥邊疆何莫非千載一時
哉雖然百為盡感而人才寥落
豈扶輿清泚之氣鍾於物而不
鍾於人乎夫上有好者下必甚
吾將持此以勗東人士共勉於
騰聲飛實之思安在昔我棧樸
不駸之而媿美於中土耶則是
志之成所以鼓勵英才導揚

跋

德化且稍抒余筮仕後之積愆而
無負乎先中丞樂成文教之
庭凱也因更搦筆而跋於後
巴陵方桂友蘭氏

四